

www.BibleForChildren.org


Matyu 8




Yimbu nimbiyomo houmbo nindowenihi ngorü ai Gariri
hifambe Kena ngoafihü nimorehi masemündu. Raniyo
Sisasimbo asu ahambo süngururü-rundeimbi babidimbo
ahamumbo amboani nimorehi semindi sesesi ranambe
didimo masei.



Rani-simboani wain hoe ra mungu masimindeiamboyo,
asu Sisasindi hondi ai nimorimbo hoafiyondowohü
yahoya, “Nindou ai wain hoe mungurihimboanei,”
mehondowamboyo. Ra-mehuamboyo asu hondi ai wori
aharambürindi ratüpuriyomo-rundeimbi ahamumbo
hoafiyopurühi yahoya, “Sisas ai nini-moatükunimboyo
refembo hoafinduanî ra-süngundundi,” meho.



Raniyu Sisas ai ratüpuriyomo-rundeimbi
ahamumbo hoafiyupurühi yahuya,
“Se hipiri ranambe hoe fuibidi-houndi,”
mehuamboemo. Asu ai hipiri ranamboe
hoe fuibidihoumbo tüküru-tüküru-marundi.



Raniyu asu Sisas ai hoafiyupurühi
yahuya, “Se hoe ra nimoamonindi
kaboandundüh-animbo nindou sesi
kanimbo ehu ahambo sowanambo
ndowandümo ngomo,” mehua-mboyomo
asu ai rasüngumarundi.



Nindou sesi kanimareandi ai hoe ra apire hoeireandane,
asu wain hoe apimayowamboyu, ai moai fifireandi
dagüdambombai wain
hoe ra. Nga ratüpuriyomo-
rundeimbi ai-yangiriyo hoe
mafuindümo fondi ra
fifimarundi. Raniyu asu
nindou sesi kanire-
randeimbi-mayu
ranai nindou
nimorehi
semindimbo-
mayu
ranahambo mborai
mehundo.



Ai hoafiyundowohü yahuya, “Ndani-ndani hoafühi ana
nindou wain hoe aboedi boatei simindei
Raniyu asu nindou sesi
kanire-randeimbi-mayu
ranai nindou nimorehi
semindimbo-mayu
ranahambo mborai
mehundo.”



Ai hoafiyundowohü yahuya, “Ndani-ndani
hoafühi ana nindou wain hoe aboedi boatei
simindei mburühümboanei,
asu süngunamboane
moaruwai ra simindei
arihündi. Nga asu seana
aboedisafi ra kikihandifi
nimarifi mburamboyafi
hapondani randi
sowandifi
masinifi,”
mehu.




Sisas ai Gariri hifambe Kena ngoafihü boatei
hapünifeimbi moatükunî ramareandi.
Ai ahandî adükari nginîndî ra
nafuimayu-wamboyo asu
ahambo süngururü-
rundeimbi ai ahambo
anîhondümbö-marüwuri.




Refi mbura Sisas ai Pitandi
worambe kefuai hüfuhünda Pitandi
yamongoamindi ranai fi hüfiyohü
angünimbo fondühi mengorowa
hoeimareandi.



Raniyu asu Sisas ai ahambo watinarühi
masündeanda angüni ranai nimorehimbo
hiningire haya makosifoendi. Raniyo asu
ai botife Sisasimbo sesi kanimareri.



Mami rani nimbambe hüfhamindi hürimindowa
nindou ranai nimorehi nindowenihi angünümbi asu
moaruwai nendeimbi
fufurühümündihündürü
Sisas sowana
mafandihindi.




Munḡuambo nindou ṅgoafihündi ranai hei wori Sisas
nimarümbi rani yipuri-kimi burimayeia Sisas ai afindi
nimorehi nindowenihi
munḡuambo
mamikarambo
aṅgünümbi
aboedireandüri asu
moaruwai nendi afindi
raguanamboreandüri
marandi.



Asu moaruwai nendi ranai ahambo fifirihori
ranimboyu ai aheimbo yowani akidou amboani
hoafiyopoani mehundüri.



Munḡuambo nindou ranai
ahambo sindihori marihündi
ra sapo ahandi
fiambeahindi
ḡḡinindi ranai
kosifoendühi
aheimbo aboedireiri
marandamboyei.
Raniyo Sisas ai
munḡuambo nindou
aboedimareandüri.



Yimbu-yimbu nindou ai nindou yiriwari moaruwaimbü ra
fondiwami foarüwuri mburu sowaründümo mahifomo.



Nindou ranahambo Sisas
sowanambo semündü hifombo
nindou afindiwambo nafi
gümareandamboyo hafomo
worıwami ...



... Sisas nūngu simogodūhi
hifinambo titirundeimbi
worī ranambe wangeyanjirihou
mburumbo fondi kameihū
masafoarūwuri.



Raniyu Sisas ai nindou ranahamundi anihondümböfe ra
hoeireanda mayoa, nindou yiriwari
moaruwaimbü ranahambo
hoafiyundowohü
yahuya, “Nindou
hoarifi, sihafi
moaruwai hohoanimo
ranana amboawi
sambo-anahi,”
mehu. “Ro sihambo
hoafayahanini,
botiyafo sihafi fondi
sowandifi hawa
worinambo hafi,”
mehundo-wamboyu.




Raniyu asu Sisas ai botambe farifi
haya mahua ahambo süngururü
rundeimbi ai ahandi süngu
mami mahomo. Asu
raniyomoai botambe
nafi hifomondane
nimai hoeweri nginindi
ranai tüküfihi
kurihoe ranahambo
yabadimarandi.




Raniyo asu bot ai
nimarimondeimbi ranai
ndeara himoni hanimbo
yangirimayo. Nga asu
Sisas ai dibo boti-mayo
ranambe yapombofi
haya apu.



Asu simbori ai hoafiyupurühi yahuya, “Se ra nimboe
moani yahurai yihimboemo rana? Awi se akidou
hamindi anihondümboru-rundeimbanemo,” yahupuri
haya, botifi hoeweriyo asu hoe ranai
fifimiyowohü hani hafo marandi
ranahambo rühi safi kikingandifi
mehua asu hoafi
ningoambe munguambo
moatükuni ranai
afure pimayo.



Munnguambo botambe mamarimo
ranai hepūnafundūhi yaru
hoafiyomondūhi yahomoya,
“Nindou ndahurai nda nini nindouyu
yahuraia? Asu hoeweri hoe
hani hafo marandi ranai
moani ahandi hoafi
himboriyondo haya
afurimareandi,”
mehomo.



God ai nimori
mamümbiyu

hayamboyu nimorehi nindowenihi hifi
ndanihü aniboadei ranaheimbo ngusüfo
pareandürühiyu asu ahandi nimori mami
ra hifina koamaritherü. Nindou mungu
didiyei ahambo anihondümbo-arihori
ai ngiri awandihendi, nga
koadürümbo-koadürümbo
nimboeimboyei.



Rom 3:23

Wani, nga nindou munguambo moaruwai
hohoanimo-yeimboanei asu mbumundi
sürühoeimbi hohoanimo God ai siaoayu ra
mbonimbo-rihümündimboanei.

Rom 6:23

Ŋga moaruwai hohoanimo ra ahandi
ratüpurıyei-rihündeimbi ahei ratüpurı süngu rani takini
sagadüri arandi, sapo takini ra ai yifi hohoanimo ranane.
Ŋga asu God ai moani sihefimbo sai arandi ahandi moani
saimbo moatükuni ra sapo yangiri koadürümbo ningombo
ranane, sihefi Adükari Sisas Kraisindi süngu.

Hibru 9:27

Munguambo nindou moani mamimbo-animbo awi yifiyo
mburümbo asu süngunambo God ai yibobondeambui.



Efesus 2:8,9

Se anihondümbö-marĩhind-amboyu asu God ai ahandĩ
hĩpoambofena aboedambo-mareandüri. God ai moani
masagadür-ane siheimbo, nga siheihoari moai
rani-moatükuni ra rarihindi. God ai moai se aboedi
ratüpurĩ ramarihindi raniĩmbö hohoanimoyuhü
aboedambo-reandüri. Raniĩmayo-wamboane, asu
ngiri se siheihoari raniĩmbö borĩndei.

Rom 10:9,10

Se sihafi yafambenambo weindahi yaro hoafiyafihüya,
'Sisas ai wandi Adükar-ani,' safi mbura, asu sihafi ngusüfo
ranambo God sapo Sisasiĩmbö yifihündi botimariri
ranahambo anihondümbö-arowandi ana, se
aboedambo-ndafoamboyafi. Nga sihafi ngusüfoambe
anihondümbö-riwandani God ai nindou mbumund-anafi
yahuhaya asu sihafi yafambe ranambo weindahi
hoafiyafani God ai aboedambo-ndeanĩĩmbui.



Son 3:16,17

God ai nĩmori mamũmbiyu hayamboyu nĩmorehi
nindowenihi hifi ndanihũ aniboadei ranaheimbo ngusũfo
pareandũrũhiyu asu ahandi nĩmori mami ra hifi na
koamaritherũ. Nindou mungu didiyei ahambo
anĩhondũmbo-arihori ai ngiri awandihehindi, nga
koadũrũmbo-koadũrũmbo nĩmboeimboyei. God ai ahandi
nĩmori hifi na koamaritherũ ra ai kosi nindou
yibobore-randeimbi nahurai hifi hũndi nindouyei hohoanimo
yibobofemboyupoani. Nga rananimbo munguambo
hifi hũndi nindou ai ahandi sũngu aboedambo-mbeahinda
yahu hayamboyu koamaritheira makusu.

1 Son 5:11-13

Godindi anĩhondũ hoafi nda: God ai sihefimbo
ramareamuna sihiri gedũhi yangiri nĩboademboyefi. Nga
yangiri nĩngombo ra Godindi Nĩmori ai nĩmĩndih-ani.



Nindou Godindi Nimori-dibo anüngu ai gedühi yangiri
nüngumbui. Nga nindou ai Godindi Nimori-dibo
ningokoate-ayu animbo, ai gedühi yangiri
ningokoate-ndümbui. Se Godindi Nimorimbo
anihondümborihori-rihündeimb-anei, siheimbo
hoafi nda sürü paparihandi. Se gedühi yangiri
niboadeimboyei ra fifirimbi-rithinda
sahehea sürü paparihandi.



Matyu 8-9; Mak 1-2, 4; Ruk 4, 8; Son 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Angor Bible (agg) © 2001, Wycliffe Bible Translators, Inc.
All rights reserved.

<https://live.bible.is/bible/AGGPNG/MAT/1>

©2024 Bible for Children, Inc.

www.M1914.org

www.bibleforchildren.org

